

TITULUS II.

*Benedictiones reservatæ ab episcopo vel
aliis sacerdotibus facultatem
habentibus faciendæ.*

BENEDICTIO

SOLEMNIOR NOVAE CRUCIS.

Nova Crux, seu Tabula, in qua Crucifixus est depictus, hoc modo benedicitur. Paratis thure, thuribuloque cum igne, et aqua benedicta, Sacerdos delegatus superpelliceo, stola, et pluviali rubri coloris indutus, stans dicit:

- V. Adjutórium, etc.
R. Qui fecit, etc.
V. Dóminus vobiscum.
R. Et cum spiritu tuo.

Orémus.

Béne ✠ dic, Dómine Jesu Christe, hanc Crucem tuam, per quam eripuisti mundum a potestáte diaboli, et superásti passióne tua suggestórem peccáti, qui gaudébat in prævaricatioe primi hóminis per ligni vétiti sumptiónem. Qui cum Deo Patre et Spirítu Sancto vivis et regnas in sæcula sæculórum. **R.** Amen.

Orémus.

Rogámus te, Dómine, sancte, Pater omnipotens, sempitérne Deus: ut dignéris benedícere ✠ hoc signum Crucis tuæ, ut sit remédium salutáre géneri humano: sit solíditas fidei, profécus bonórum óperum, redémptio animárum: sit solámen et protéctio ac tutéla contra sæva jácula inimicórum. Per Dóminum nostrum Jesum Christum Filium tuum, etc. **R.** Amen.

Deinde dicit voce medioeri, extensis manibus ante pectus, Præfationem.

V. Per ómnia sæcula sæculórum.

R. Amen.

V. Dóminus vobíscum.

R. Et cum spírítu tuo.


V. Sursum corda.

R. Habémus ad Dóminum.

V. Grátias agámus Dómino Deo nostro.

R. Dignum et justum est.

Vere dignum et justum est, æquum et salutáre, nos tibi semper et ubique grátias ágere, Dómine Sancte, Pater ómnípotens, ætérne Deus: cujus sanctum ac terríbile Nomen, inter cæteras visibiles creatúras, ligna quoque fructífera laudáre ac benedícere non cessant: qui in figúram unigénitæ Sapiéntiæ tuæ ligno vitæ a princípío paradísium voluptátis ornásti, ut ejúsdem fructu, sacro mystério, protoparéntes nostri géneris mortem cavére, et vitam admonéres obtinére perpétuam: quique nos vétitæ árboris attáctu justæ morti addíctos, ejúsdem coætérnæ tibi

Sapiéntiæ, Dei et Dómini nostri Jesu Christi, innóxia morte ad vitam misericórditer revocáre dignátus es: Te supplices exorámus, ut hoc singuláre signum, quod ad exéplum primi illius sacratíssimi vexilli, quo pretiósio Fílii tui sángine triumphásti, fídelium tuórum devotióne compáctum, erectúmque est, cælésti tua bene  dictiÓne sanctificáre dignéris; ut ómnibus hic géna flecténtibus, ac tuæ Majestáti supplicántibus, largior et cordis compunctio, et admissórum indulgéntia concedátur, atque intercedénte ipsa victoriosíssima unigéniti Fílii tui passióne, et tibi plácita postuláre, et cítius váleant postuláta percípere. Da, quæsumus, clementíssime Pater, in quo vivimus, movémur et sumus: ut, quóties triúmphum divínæ humilitátis, quæ superbiam nostri hostis dejécit, óculis intuémur, quótiesque mente recólimus, et contra hostem ipsum fidúciam fortitúdinis, et majórem tibi devótæ humilitátis grátiam consequámur: quate-

nus in illo treméndo tuæ Majestátis exámine, cum pavéntibus eleméntis, cœlorúmque commótis virtútibus, signum istud glóricum redemptiónis nostræ apparúerit in cœlo, ipsi de morte ad vitam transíre, ac perpétua beátæ resurrectiónis vidére gáudia mereámur.

Quod sequitur, dicitur submissa voce legéndo, itá tamen quod a circumstantibus audiri possit: Per eúndem Dóminum nostrum Jesum Christum Filium tuum: qui tecum vivit et regnat in unitáte Spíritus Sancti Deus, per ómnia sæcula sæculórum. **R.** Amen.

Orémus.

Deus, qui beátæ Crucis patíbulum, quod prius erat sceléstis ad penam, convertísti redemptis ad vitam: concéde plebi tuæ, ejus vallári præsidio, ejus est armáta vexíllo.

Sit ei Crux fidei fundaméntum, spei suffrágium, in advérsis defénsio, in próseris adjuvámen: sit ei in hostes

victória, in civitáte custódia, in campis protéctio, in domo fultúra: ut per eam Pastor in futúro gregem consérvet incólumem, quæ nobis, Agno **+** vincénte, convérsa est in salútem. Per eúndem Dóminum nostrum Jesum Christum Filium tuum: qui tecum vivit et regnat in unitáte Spíritus Sancti Deus, per ómnia sæcula sæculórum.

R. Amen.

Orémus.

Sancti **+** fica, Dómine Jesu Christe, signáculum istud passiónis tuæ: ut sit inimícis tuis obstáculum, et credéntibus in te perpétuum efficiátur victóriæ vexíllo: Qui cum Patre vivis et regnas in unitáte Spíritus Sancti Deus, per ómnia sæcula sæculórum.

R. Amen.

Tum offertur Sacerdoti thus in navicula, quod stans benedicit, dicens:

Orémus.

Dómine Deus omnipotens, cui assístit exercitus Angelórum cum tremóre,

quorum servitium spirituale, et igneum esse cognoscitur: dignare respicere, bene ✠ dicere, et sancti ✠ ficare hanc creaturam incensi, ut omnes languores, omnesque infirmitates, atque insidiae inimici, odorem ejus sentientes, effugiant, et separentur a plasmate tuo; et numquam lædatur a morsu antiqui serpentis, quod pretioso Filii tui sanguine redemisti. Per eundem Christum Dominum nostrum. R. Amen.

Quo facto, Sacerdos imponit thus in thuribulum. Deinde aspergit Crucem aqua benedicta, et mox eam incensat. Tunc dicit adhuc stans:

Sanctificetur lignum istud in nomine Pa ✠ tris, et Fi ✠ lii, et Spiritus ✠ Sancti: et benedictio illius ligni, in quo membra sancta Salvatoris suspensa sunt, sit in isto ligno; ut orantes, inclinantesque se propter Deum ante istam Crucem, inveniant corporis et animæ sanitatem. Per eundem Dominum nostrum Jesum Christum, etc.

R. Amen.

Tum Sacerdos flexis ante Crucem genibus ipsam devote adorat, et osculatur. Idem faciunt quicumque alii voluerint.

¶ Si vero Crux est ex metallo vel lapide, loco præcedentis Orationis, videlicet: Sanctificetur, etc. Sacerdos stans dicit sequentem Orationem:

Deus gloriæ, Deus excelsæ Sabaoth, fortissime Emmanuel, Deus Pater veritatis, Pater sapientiæ, Pater beatitudinis, Pater illuminationis ac vigiliæ nostræ; qui mundum regis, qui cuncta regna disponis, qui es bonorum collator munerum, et bonorum omnium attributor; cui omnes gentes, populi, tribus et linguæ serviunt; cui assistit omnis Angelorum légio; qui largiris famulis tuis fidem et laudem tui nominis, ut debita tibi oblata persolvant; cui prius fides offerentium complaceat, deinde sacrificatur oblatio: quæsumus exorabilem misericordiæ tuæ pietatem, ut sancti ✠ fices tibi hoc

signum Crucis, et cónse **✠** cres, quod tota mentis devotiõne famulõrum tuõrum religiõsa fides construxit, trophæum scilicet victoriæ tuæ ac redemptionis nostræ, quod in amorem Christi triumphalis glõria consecravit. Adspice hoc signum Crucis insuperabile, per quod diaboli exinanita est potestas, mortaliũ restituta libertas: quæ licet fuerit aliquando in pœnam, sed nunc versa est in honorem per grãtiam, et quæ reos quondam puniebat supplicio, nunc et nõxios absolvit a debito. Et tibi quid per hoc placere pótuit, nisi id, per quod tibi placuit nos redimere? Et nullum tibi debitum amplius munus est, quam quod tibi nunc cõrporis dedicavit affixio: nec tibi est magis familiãris oblãtio, quam quæ familiãri mãnuum tuãrum extensiõne sacrãta est. Illis ergo mãnibus hanc Crucem accipe, quibus illam amplexus es, et de sanctitate illius hanc sancti **✠** fica: et sicuti per illam mundus expiatus est a reãtu, ita offerentium famulõrum

tuõrum animæ, devotissimæ hujus crucis mérito, omni cæreant perpetrãto peccãto, et tuæ veræ Crucis obtectu enitescant successibus assiduis triumphatõres. Rãdient hic unigéniti Filii tui Dõmini nostri splendor divinitãtis in auro, emicet glõria ejus in ligno; in Cruce rúilet nostræ mortis redemptio; in crystãlli splendõre vitæ nostræ purificãtio. Sit suõrum protectio, spei certa fidúcia; eos simul cum gente et plebe fide confirmet, spe et pace consociet; augeat triumphis, amplificet in secúndis, proficiat eis ad perpetuitatem tẽporis, ad vitam æternitãtis, ut eos temporãli florentes glõria múniant, et ad perpétuam redemptos coronãnt, ad regna cœlestia potènti virtute pèducant. Præsta per propitiatiõnem sanguinis ejus, per ipsum datõrem qui seipsum dedit redemptionem pro multis, qui se hõstiam pro delictis offerre dignatus est, qui exaltatus in ligno Crucis suæ principatus et potestates humiliavit, qui tecum sidereo cõnsidet

throno, indissolúbili connexióne Spíritus Sancti, per infinita sæculórum sæcula. R. Amen.

Tum Sacerdos flexis genibus, eam devote adorat, et osculatur. Idem faciunt quicumque alii voluerint.

BENEDICTIO SOLEMNIOR

IMAGINIS B. MARIAE VIRGINIS.

(Juxta Pontificale Romanum. P. II.)

Sacerdos delegatus benedicturus imaginem B. Mariæ Virginis, paratus superpelliceo, stola et pluviali albi coloris, stans dicit:

V. Adjutórium, etc.

R. Qui fecit, etc.

V. Dóminus vobiscum.

R. Et cum spíritu tuo.

Orémus.

Deus, qui de beatæ Mariæ Virginitis útero Verbum tuum, Angelo nuntiánte,

carnem suscipere voluísti: præsta supplicibus tuis; ut qui vere eam Genitricem Dei esse crédimus, ejus apud te intercessióibus adjuvémur. Per eúdem Christum Dóminum nostrum.

R. Amen.

Quo facto, aspergit figuram aqua benedicta. Deinde inchoat, schola prosequente, antiphonam: Sub tuum præsidium.

Qua incepta, et dum ea cantatur, thurificat imaginem ipsam ter duceus thuribulum.

Antiphona ton 2.

Sub tuum præsidium confúgimus, sancta Dei Génitrix: nostras deprecationes ne despicias in necessitatibus; sed a periculis cunctis libera nos semper, Virgo gloriósa et benedicta.

Temp. Paschali Ant. Allelúja, allelúja

Psalmus. Fundaménta ejus, ut supra p. 132. Dicitur totus cum Glória Patri.

Deinde dicitur Antiphona ton. 1.

Ave María, grátia plena: Dóminus tecum: benedicta tu in muliéribus. Allelúja.

Psalmus 122.

Ad te levávi oculos meos, * qui hábitas in cœlis.

Ecce sicut óculi servórum, * in má-nibus dominórum suórum.

Sicut óculi ancillæ in má-nibus dó-minæ suæ; * ita óculi nostri ad Dómi-num Deum nostrum, donec misereátur nostri.

Miserére nostri Dómine, miserére nostri: * quia multum repléti sumus despectióne.

Quia multum repléta est ánima nos-tra: * oppróbrium abundántibus, et despectio superbis

Glória Patri.

Sicut erat.

Finitis Antiphonis et psalmis præ-dictis, Sacerdos dicit:

Orémus.

Deus, qui virginálem aulam beátæ Ma-riæ Virginitis, in qua habitátes, elígere dignátus es: da, quæsumus; ut sua nos defensióne munítos, jucúndos fá-cias suæ interéssé commemoratióni: Qui vivis et regnas cum Deo Patre in unitáte Spíritus Sancti Deus, per óm-nia sæcula sæculórum. R. Amen.

Deinde Sacerdos incipit Antiphona-m, schola prosequente. Ton. 4.

O gloriósa Dei Génitrix, Virgo sem-per María, quæ Dóminum ómnium meruísti portáre, et Regem Angelórum sola virgo lactáre: nostri, quæsumus, pia memoráre, et pro nobis Jesum Christum deprecáre: ut tuis fulti pa-trocíniis, ad cæléstia regna mereámur pervenire.

Canticum B. M. V. Magnificat (ut ad calcem libri.)

Finito Cantico, dicit:

Orémus.

Deus, qui de beátæ Mariæ Virginitatis útero Verbum tuum, Angelo nuntiante, carnem suscipere voluisti: præsta supplicibus tuis; ut qui vere eam Genitricem Dei esse credimus, ejus apud te intercessiónibus adjuvémur. Per eúndem Christum Dñm nostrum.

R. Amen.**Orémus.**

Omnipotens sempitérne Deus, clementíssima cujus dispensatióne cuncta creántur ex nihilo, hanc imáginem in honórem piíssimæ Genitricis Filii tui Dómini nostri Jesu Christi venerabiliter adaptátam bene ✠ dñcere, et sancti ✠ ficáre dignéris: et præsta, misericordiosíssime Pater, per invocatió-nem nóminis tui, atque ejúsdem unigéniti Filii tui Dómini nostri Jesu Christi, quem pro salúte géneris humáni, integritáte Virginitatis Mariæ serváta, incarnári voluisti; quátenus præcibus

ejúsdem sacratíssimæ Virginitatis, quicumque eámdem misericórdiæ Regnam, et gratiosíssimam Dóminam nostram coram hac effigie suppliciter honoráre studérint, et de instántibus periculis eruántur, et in conspéctu divínæ majestátis tuæ de commissis vé-niam impetrent; ac mereántur in præ-sénti grátiam, quam desiderant, adipisci, et in futúro perpétua salvatióne cum eléctis tuis váleant gratulári. Per eúndem Dóminum nostrum Jesum Christum Filium tuum, qui tecum vivit et regnat in unitáte Spíritus Sancti Deus, per ómnia sæcula sæculórum.

R. Amen.

Ultimo aspergat Imáginem aqua benedicta.

BENEDICTIO**SACRORUM VASORUM****ET ALIORUM ORNAMENTORUM IN GENERE.****V.** Adjutórium, etc.**R.** Qui fecit, etc.

V. Dóminus vobíscum.
R. Et cum spírítu tuo.

Orémus.

Ixaúdi Dómine, Pater clementíssime, preces nostras: et hæc purificánda vasa et ornáménta sacri Altáris, atque Ecclésiæ tuæ sacri ministérii úsui præparáta, bene ✠ dicere, et sancti ✠ ficáre dignéris. Per Christum Dóminum nostrum. R. Amen.

Orémus.

Omnípotens sempitérne Deus, a quo ómnia innúnda purgántur, et in quo ómnia purgáta claréscunt: súpplices omnípoténtiam tuam invocámus; ut ab his vasis et ornáméntis, quæ tibi ófferunt fámuli tui, omnis spírítus inmúndus confúsus longe discédát, et per tuam bene ✠ dictionem ad usum et ministérium sancti Altáris et Ecclésiæ tuæ sanctificáta permáneant. Per Christum Dóminum nostrum
R. Amen.

Deinde aspergit ea aqua benedicta.

BENEDICTIO SIMPLEX

NOVÆ CAMPANÆ

QUÆ TAMEN AD USUM ECCLESIE NON
INSERVIAT.

V. Adjutórium, etc.
R. Qui fecit, etc.

Psalmus 50 Miserére mei, Deus.
cum reliquis sex Psalmis (videlicet 53,
56, 66, 69, 85, 129) quæ habentur ad
calcem libri, et seqq.

V. Kyrie eléison.

R. Christe eléison.

V. Kyrie eléison.

Pater noster. secreto.

V. Et ne nos indúcas in tentatió-
nem.

R. Sed libera nos a malo.

V. Sit nomen Dómini benedíctum.

R. Ex hoc nunc et usque in sæcu-
lum.

V. Dómine, exaúdi, etc.

R. Et clamor meus, etc.

V. Dóminus vobiscum.

R. Et cum spíritu tuo.

Orémus.

Deus, qui per beátum Móysen, legíferrum fámulum tuum, tubas argéneas fferi præcepísti, quibus dum sacerdotés témpore sacrificii clángerent, sónitú dulcedínis pópulus mónitus ad te adorándum fieret præparátus, et ad celebrándum conveníret: præsta, quæsumus; ut hoc vásculum, sanctæ tuæ Ecclésiæ præparátum, a Spíritu Sancto per nostræ humilitátis obséqium sancti ✠ ficétur, ut per illús tactum et sónitum fideles inviténtur ad sanctam Ecclésiám, et ad præmium supérnum. Et cum melódiá illús aatribus msonúerit populórum, crescat in eis devótio fidei, procul pellántur omnes insídiæ inimíci, fragor grándinum, ímpetus tempestátum, temperéntur infésta tonítrua, prostérnat aéreas potes-

tates dextera tuæ virtútis: ut hoc audiéntes tintinnábulum contremíscant, et fúgiant ante sanctæ Crúcis vexillum in eo depíctum. Quod ipse Dóminus noster Jesus præstáre dignétur, qui absórpta morte per patíbulum crucis, regnat in glória Dei Patris, cum eódem Patre et Spíritu Sancto, per ómnia etc. *R.* Amen.

Nunc Officians ponit incensum in thuribulum et benedicit; et primum aspexit circumeundo campanam, choro dicente:

Aspérges me, Dómine, hyssópo, et mundábor: lavábis me, et super nivem dealbábor.

Dein incensat circumeundo campanam, choro dicente:

Dirigátur, Dómine, oratio mea: sicut incénsus in conspéctu tuo. Officians prosequitur:

Orémus.

Omnípotens Dominátor Christe, quo secúndum carnis assumptiónem dormiente in navi, dum obórta tempéstat mare conturbásset, te prótinus excitáto et imperánte dissiluit: tu necessitá-tibus pópuli tui benígnus succúrre: tu hoc tintinnábulum Sancti Spíritus ro-re perfúnde; ut ante sónitum illius semper fúgiat bonórum inimícus, invi-tétur ad fidem pópulus cristiánus, hostílis terreátur exércitus, confortétur in Dómino per illud pópulus tuus convocátus, ac sicut Davidica cithara delectátus désuper descéndat Spíritus Sanctus: atque ut Samuèle agnum lacténtem mactánte in holocaustum Regis ætérni impérii, fragor aurárum turbam répulit adversántium; ita dum hujus vascusli sónitus transit per núbila, Ecclésiæ tuæ convéntum manus, consérvet angélica, fruges credéntium, mentes et córpora salvet protéctio sempitérna. Per te, Christe Jesu, qui cum

Deo Patre vivis et regnas in unitáte ejúsdem Spíritus Sancti Deus, per ómnia sæcula sæculórum. **R.** Amen.

V. In honórem sancti N.

R. Amen.

Tum Officians producit super Campanam benedictam signum crucis, et discedit cum Ministris.

BENEDICTIO TELEGRAPHI.

Blerus vel a proximiori ecclesia, vel ab alio aliquo loco ad hoc parato, procedat usque ad stationem Telegraphi, canendo vel recitando Canticum Benedictus. (ad calcem libri.)

Ibi Episcopus vel Sacerdos in aliqua, ecclesiastica Dignitate constitutus intonabit Antiphonam:

Ant. Benedictus es, Dómine, qui ponis nubem adscénsu tuum: qui ambulas super pennas ventórum: qui facis ángelos tuos spíritus, et ministros tuos ignem uréntem. **Post eam**

Psalmus 103.

Benedic, ánima mea, Dómino: * Dómine Deus meus, magnificátus es vehementer.

Confessióem et decórem induísti: * amictus lúmine sicut vestiméto.

Exténdens cœlum sicut pellem: * qui tegis aquis superiora ejus.

Qui ponis nubem adscénsus tuum: * qui ámbulas super pennas ventórum.

Qui facis ángelos tuos, spíritus: * et ministros tuos, ignem uréntem.

Qui fundásti terram super stabilitátem suam: * non inclinábitur in sæculum sæculi.

Abyssus, sicut vestiméntum, amictus ejus: * super montes stabunt aquæ.

Ab increpatione tua fugient: * a voce tonitru tui formidábunt.

Adscéndunt montes, et descéndunt campi, * in locum, quem fundásti eis.

Términum posuísti, quem non transgrediéntur: * neque converténtur operire terram.

Qui emittis fontes in convállibus: * inter médium móntium pertransibunt aquæ.

Potábunt omnes béstiaæ agri: * expectábunt ónagri in siti sua.

Super ea volúcrés cœli habitábunt: * de médio petrárum dabunt voces.

Rigans montes de superioribus suis: * de fructu óperum tuórum satiábitur terra:

Prodúcens fœnum juméntis, * et herbam servitúti hóminum.

Ut edúcas panem de terra, * et vinum lætificet cor hóminis:

Ut exhílalet faciem in óleo, * et panis cor hóminis confirmet.

Saturabúntur ligna campi, et cedri Libani, quas plantávit: * illic pásseres nidificábunt.

Heródii domus dux est eórum: * montes excélsi cervis, petra refúgium herináciis.

Fecit lunam in témpora: * sol cognóvit occásus suum.

Posuisti ténebras, et facta est nox:
* in ipsa pertransibunt omnes béstiae
silvae.

Catuli leónum rugientes, ut rapiant,
* et quærant a Deo escam sibi.

Ortus est sol, et congregati sunt: *
et in cubilibus suis collocabuntur.

Exibit homo ad opus suum, * et ad
operatióem suam usque ad vésperum.

Quam magnificata sunt ópera tua,
Dómine! * ómnia in sapiéntia fecisti:
impléta est terra possessióe tua.

Hoc mare magnum, et spatiósum
mánibus. * illic reptilia, quorum non
est númerus.

Animalia pusilla cum magnis: * illic
naves pertransibunt.

Draco iste, quem formasti ad illu-
déndum ei: * ómnia a te expéctant,
ut des illis escam in témpore.

Dante te illis, colligent: * aperiénte
te manum tuam, ómnia implebuntur
bonitate.

Averténte autem te faciém, turba-

buntur: * auferes spíritum eórum, et
deficient, et in pulverem suum rever-
téntur.

Emittes spíritum tuum, et creabún-
tur: * et renovabis faciém terræ.

Sit glória Dómini in sæculum: * læ-
tábitur Dóminus in opéribus suis.

Qui respicit terram, et facit eam tré-
mere: * qui tangit montes, et fúmigant.

Cantábo Dómino in vita mea: * psa-
llam Deo meo quámdiu sum.

Jucúndum sit ei elóquium meum: *
ego vero delectábor in Dómino.

Deficiant peccatóres a terra, et iní-
qui ita ut non sint: * benedic, ánima
mea, Dómino.

Glória Patri.

Sicut erat.

Ac repetita Antiphona, incipiet in
hunc modum Benedictionem:

V. Adjutórium, etc.

R. Qui fecit, etc.

V. Dóminus vobiscum.

R. Et cum spíritu tuo.

Orémus.

Concède nos fámulos tuos, quæsumus, Dómine Deus, perpétua mentis, et córporis sanitate gaudere: et gloriósa beátæ Mariæ semper Vírginis intercessiõne, a præsentí liberári tristítia, et ætérna pérfrui lætítia. Per Christum Dóminum nostrum. **R.** Amen.

Orémus.

Deus, qui ámbulas super pennas ventórum, et facis mirabilia solus: concède, ut cum per vim huic métallo indítam fulmíneo ictu celérius huc ab-séntia, et hinc álio præsentia transmittis; ita nos invéntis novis edócti, tua grátia opitulánte, prómptius et facilius ad te venire valeámus. Per Christum Dóminum nostrum. **R.** Amen

Deinde aspergit Telegraphum aqua benedicta.

VIAE FERREAE ET CURRUUM.

Clerus, vel a proximiori ecclesia, vel ab aliquo alio loco ad hoc parato, procedat usque ad stationem Viæ ferreæ, canendo vel recitando:

Ant. In viam pacis et prosperitátis dirigat nos omnípotens et miséricors Dóminus: et Angelus Ráphaél comitetur nobiscum in via, ut cum pace, salute, et gáudio revertámur ad própria.

Cant. Benedictus, ut ad calcem libri.

Ibi Episcopus vel Sacerdos in aliqua ecclesiastica dignitate constitutus, repetita Antiphona, intonabit:

Kyrie eléison.

Christe eléison.

Kyrie eléison.

Pater noster. secreto.

V. Et ne nos indúcas in tentatiõnem.

- R. Sed libera nos a malo.
 V. Salvos fac servos tuos.
 R. Deus meus, sperantes in te.
 V. Mitte nobis, Dómine, auxiliium de sancto.
 R. Et de Sion tuere nos.
 V. Esto nobis, Dómine, turris fortitudinis.
 R. A fácie inimíci.
 V. Nihil proficiat inimícus in nobis.
 R. Et fílius iniquitátis non appónat nocere nobis.
 V. Benedíctus Dóminus die quotidie.
 R. Prósperum iter fáciat nobis Deus salutárium nostrórum.
 V. Vias tuas, Dómine, demónstra nobis.
 R. Et sémitas tuas édoce nos.
 V. Utinam dirigántur via nostræ.
 R. Ad custodiéndas justificatiónes tuas.
 V. Erunt prava in dirécta.

- R. Et áspera in vias planas.
 V. Angelis suis Deus mandávit de te.
 R. Ut custódiant te in ómnibus viis tuis.
 V. Adjutórium nostrum in nómine Dómini.
 R. Qui fecit cœlum et terram.
 V. Dómine, exaúdi, etc.
 R. Et clamor meus, etc.
 V. Dóminus vobíscum.
 R. Et cum spírítu tuo.

Orémus.

Omnípotens sempitérne Deus, qui ómnia eleménta ad tuam glóriam, utilitatémque hóminum condidisti: dignáre; quæsumus, hanc viam férream, ejúsque instruménta bene **+** dicere, et benígna semper tua providéntia tuéri; ut dum fánuli tui velóçiter próperant in via, in lege tua ambulátes, et viam mandatórum tuórum currétes, ad cœléstem pátriam felíciter pervenire vá-

leant. Per Christum Dóminum nostrum. **R. Amen.**

Orémus.

Propitiare Dómine Deus supplicatióibus nostris, et béne **✠** dic currus istos dextera tua sancta, adjúnge ad ipsos sanctos Angelos tuos, ut omnes qui in eis vehéntur, líberent et custódiant semper a periculis univérsis: et quemádmódum viro Æthiopi super currum suum sedénti, et sacra elóquia legénti, per Levítam tuum Philíppum fidem et grátiam contulísti; ita fámulis tuis viam salutis osténde, qui tua grátia adjúti, bonisque opéribus júgiter inténti, post omnes vitæ et vitæ hujus varietátes ætérna gaúdia cónsequi mereántur. Per Christum Dóminum nostrum.

R. Amen.

Deinde aspergit viam et currus aqua benedicta.

Post utramque Benedictionem dicitur Te Deum, cum Oratione Deus

ejus misericórdiæ, etc, **ut ad calcem libri.**

BENEDICTIO DEPRECATORIA

CONTRA MURES, LOCUSTAS, BRUCHOS, VERMES ET ALIA ANIMALIA NOCIVA.

Sacerdos indutus superpelliceo et stola coloris violacei, veniat ad agros, a locustis, bruchis vel aliis animalibus noxiis vexatos, et dicat:

Antiphona. Exsúrge, Dómine, adjuva nos: et líbera nos propter nomen tuum.

Psalmus. Deus, auribus nostris audívimus: patres nostri annuntiavérunt nobis.

V. Glória Patri. Sicut erat.

Repetitur Antiphona:
Exsúrge, etc.

- V.** Adjutórium, etc.
R. Qui fecit, etc.
V. Dómine, exáudi, etc.
R. Et clamor meus, etc.
V. Dóminus vobíscum.
R. Et cum spírítu tuo.

Orémus.

Preces nostras, quæsumus Dómine, clemé-
 ménter exáudi: ut qui iuste pro pec-
 cátis nostris affligimur, et hanc mú-
 rium (*vel locustárum, seu bruchórum,
 aut vérmium, sive aliorum animalium*)
 persecutióne pátimur, pro tui nómi-
 nis glória ab ea misericórditer liberé-
 mur; ut tua poténtia procul expúlsi
 (*vel expúlsæ*) nulli nóceant, et campos,
 agrósque nostros in tranquillitáte ac
 quíete dimittant, quátenus ex eis sur-
 géntia et orta tuæ Majestáti desér-
 viant, et nostræ necessitáti subvéniant.
 Per Christum Dóminum nostrum.

R. Amen.

Orémus.

Omnipotens sempitérne Deus, ómnium
 bonórum remunerátor, et peccató-
 rum máximus miserátor, in cuius nó-
 mine ómnia genuflectúntur, coeléstia,
 terréstria, et inférnalia: tua poténtia
 nobis peccatóribus concéde, ut quod
 de tua misericórdia confisi ágimus, per
 tuam grátiam effícacem ejus consequá-
 mur effectum; quátenus hos pestíferos
 mures (*seu locústas, vel bruchos, aut
 vermes, sivi alia animalia*) per nos ser-
 vos tuos maledicéndo maledícas, se-
 gregándo ségreges, exterminándo ex-
 términes; ut per tuam cleméntiam ab
 hac peste liberáti, gratiárum actiões
 Majestáti tuæ libere referámus. Per
 Chr. Dnm. nost. **R.** Amen.

Exorcismus.

Exorcízo vos pestíferos muros (*vel lo-
 cústas, seu bruchos, aut vermes, sive
 alia animalia*), per Deum Patrem ✠
 omnipoténtem, per Jesum Christum ✠

Filiū ejus unicū, per Sp̄ritum ✠
 Sanctum ab utrōque procedentem, ut
 confestim recedatis a campis et agris
 nostris, nec amplius in eis habitetis,
 sed ad ea loca transeat̄is, in quibus nē-
 mini nocere possitis: pro parte omni-
 potētis Dei, et totius cūriæ cœlestis,
 et Ecclēsiæ sanctæ Dei vos maledicens,
 ut, quocūque iēritis, sitis maledicti
 (vel maledictæ), deficientes de die in
 diem in vos ipsos (vel ipsas), et decres-
 centes; quatenus reliquæ de vobis nu-
 llo in loco inveniātur, nisi necessariæ
 ad salutem et usum humanum. Quod
 præstare dignetur, qui venturus est
 judicare vivos et mortuos, et sæculum
 per ignem. R. Amen.

Postremo aqua benedicta aspergan-
 tur loca infecta.

BENEDICTIO CINGULORUM

IN HONOREM SANCTI JOSEPHI, SPONSI

B. M. V.

In Diocesis, quibus a S. Apostolica
 Sede privilegium conceditur benedi-
 cendi Cingula in honorem sancti Jose-
 phi Sponsi B. M. V., Sacerdotes adhi-
 bere debent hanc formulam, a S. R.
 C. approb. d. 19. Sept. 1859.

V. Adjutorium, etc.

R. Qui fecit, etc.

V. Dominus vobiscum.

R. Et cum spiritu tuo.

Orémus.

Dōmine Jesu Christe, qui virginitatis
 consilium et amorem ingeris atque
 castitatem præcipis: oramus clemē-
 tiam tuam, ut hæc cingula castitatis
 tesseram bene ✠ dicere, et sancti ✠
 ficare digneris; ut quicūque pro cas-

titate servanda illis præcincti fuerint, intercedente beato Josépho, sanctissimæ Genitricis tuæ sponso, gratam tibi continentiam, mandatorumque tuorum obedientiam servant, atque veniam peccatorum suorum obtineant, et sanitatem mentis et corporis percipiant, vitamque consequantur æternam. Qui vivis et regnas cum Deo Patre in unitate Spiritus Sancti Deus, etc.

R. Amen.

Orémus.

Da, quæsumus, omnipotens æternæ Deus: ut purissimæ Virginis Mariæ, ejusque sponsi Joséphi, integerrimam virginitatem venerantes, eorum intercessionibus puritatem mentis et corporis consequamur. Per Christum Dnm nostrum. R. Amen.

Orémus.

Omnipotens sempiternæ Deus, qui sanctissimo viro Josépho purissimam

Mariam semper Virgineam, et puerum Jesum commisisti: te supplices exoramus; ut fideles tui, qui his cingulis in honorem, et sub protectione ejusdem sancti Joséphi præcincti fuerint, te largiente, et ipso intercedente, in castitate semper devôte persistant. Per eundem Dñm nostrum Jesum Christum, etc. R. Amen.

Orémus.

Deus, innocentie restitutor et amator: quæsumus, ut fideles tui, qui hæc cingula adhibuerint, intercedente beato Josépho, sanctissimæ Genitricis tuæ Sponso, in lumbis suis sint semper præcincti, et lucernas ardentes gestent in manibus suis; ac similes sint hominibus expectantibus dñm suum quando revertatur a nuptiis, ut cum venerit et pulsaverit, confestim aperiant ei, et in æterna gaudia recipi mereantur. Qui vivis et regnas in, etc.

R. Amen.

Deinde Sacerdos, imposito thure in thuribulo, aqua benedicta aspergit cingula, dicens: Aspérge me, etc. postea incensat, et tandem dicit:

V. Salvos fac servos tuos.

R. Deus meus, sperántes in te.

V. Mitte eis, Dómine, auxiliúm de sancto.

R. Et de Sion tuére eos.

V. Dómine, exaúdi, etc.

R. Et clamor meus, etc.

V. Dóminus vobíscum.

R. Et cum spírítu tuo.

Orémus.

Deus miséricors, Deus clemens, cui bona cuncta placent, sine quo nihil boni inchoátur, nihilque boni perficitur: adsint nostris humíllimis précibus tuæ pietátis aures, et fidéles tuos, qui in tuo sancto nómine cingulo benedícto in honórem et sub protectióne sancti Joséphi præfíneti fúerint, a mundi impedíméto, vel sæculári desidério de-

fénde; et concéde eis, ut in hoc sancto propósito devóti persístere, et remissióne percépta ad electórum tuórum váleant perveníre consórtium. Per Dóminum nostrum Jesum Christum, etc.

R. Amen.

BENEDICTIO

PUERORUM ET PUELLARUM

IN FESTIS PIÆ UNIONIS A SANCTA INFANTIA NUNCUPATÆ.

V. Adjutórium, etc.

R. Qui fecit, etc.

V. Dóminus vobíscum.

R. Et cum spírítu tuo.

Orémus.

Quæsumus, omnipotens Deus, púeris istis, pro quibus tuam deprecámur cleméntiam, bene ✠ dicere dignáre: et per virtútem Sancti Spíritus corda

eórum corróborá, vitam sanctífica, castimóniam prómove, sensus eórum bonis opéribus únice inténtos custódi, próspéra tribue, pacem concéde, salútem confer, caritátem largíre, et ab ómnibus diabólicis atque humánis insídiis tua protectióne et virtúte semper defénde; ut, te miseránte, paradísi réquiem tandem felíciter assequántur. Per Dóminum nostrum, etc.

R. Amen.

O rémus.

Dómine Jesu Christe, qui párvulos tibi oblátos, et ad te veniéntes, cónplectebáris, (*hic ponat manus super capita puerorum*) manúsque super illos impónens, eis benedicébas, dicens: Sí nite párvulos veníre ad me, et nolíte prohibére eos: tálíum est enim regnum cœlórum, et Angeli eórum semper vident faciém Patris mei; réspice, quæsumus, ad puerórum et puellárum præsentium devotióne, et benedictio tua

copiósá super illos descéndat, ut in tua grátia et caritáte proficiant, te sapiant, te diligant, te timeant, mandáta tua custódiat, et ad exoptátum finem pervéniant: per te, Salvátor mundi, qui cum Patre et Spíritu Sancto vivis et regnas Deus in sæcula sæculórum.

R. Amen.

Benedíctio Dei omnipoténtis, Patris, et Filii, et Spíritus Sancti, descéndat super vos, custódiat atque dírigat vos, et máneat semper vobiscum. **R.** Amen.

Deinde aspergantur aqua benedicta.